

Doenghbaez, laj din goengq bya ndeu miz aen mbanj iq ndeu, vunzmbanj cungj gig hoj, mbouj miz ngaenz cawx vaiz ma dajcae.

Ndaw mbanj miz song cejnuengx, gaenxhong youh sienhsoh.

Ngoenz ndeu, song cejnuengx youq dinbya gvak reih, gvak deng ngauq namh geng ndeu, ngauq namh gag dek okdaeu, ndaw miz aen lahbah ngaenz iq ndeu. Cejnuengx yaek gaemdawz aen lahbah ngaenz, sawqmwh, miz goengsien ndeu daeuj gangj: “Gwnz bya miz aen gamjsien ndeu, ndaw miz bak duz vaizgim, daengz hwnz, ndaw bya yiengj bakgamj couh rongh, dawz aen lahbah neix baek haeujae, caiq nam sam baez ‘byavaiz byavaiz yiengjsasa, lahbah hai gamj bakajaj’, bakgamj couh bienq hung. Haeuj gamj bae umj ndaej duz vaizgim ndeu okdaeu, boq aen lahbah neix yiengj, vaizgim couh bienq lix, yienghneix ciuhvunz gwndaenj couh mbouj you lo. Hoeng, gaeq haen gamj couh haep, vunz gven ndaw gamj haengdingh dai.” Gangj sat, goengsien couh mbouj raen lo.

Song cejnuengx ma ranz dox-yaeng, raeuz aeu hawj vaizgim

Goj Valwgbauenq

牵牛花的故事

cienzbough bienq lix bae, faen hawj daihgaya, hawj daihgaya cungj miz vaiz gengnaz. Yienghneix, couh lwnh vunzmbanj, daengq daihgaya gyang-hwnz hwnj bya bae yien vaiz.

Gyanghwnz laepngaungau, cejnuengx hwnj bya. Byonghhwnz gvaq, sawqmwh ndaw bya yiengjsasa, bangxbya miz sienq rongh ingj okdaeu. Song cejnuengx gaenjgip buet gvaqbae.

Aen bakgamj haenx cij lumj lwgfwngz iq, yawj coh ndaw gamj, cij raen ndaw miz aen daizgim ndeu, gwnz daiz baij rim vaizgim iq lumj aenmba. Dahnuengx muengz dawz lahbah ngaenz cap haeuj bakgamj bae, dahcej nam: “Byavaiz byavaiz yiengjsasa, lahbah hai gamj bakajaj.” Nam le sam baez, bakgamj menhmenh bienq hung lo. Cejnuengx buet haeuj ndaw gamj



bae.

Dahcej baez haeujbae couh boq lahbah, lahbah baez yiengj, vaiz gim couh sikhaek bienq lix diuq roengz daiz, bienq hung, cung ok gamj. daengz duzvaiz cei doeklaeng ngamq ndonj ndaej gyauej okbae, gaeq haen lo, bakgamj menhmenh bienq iq, gab deng dungx vaiz, vaiz ok mbouj bae lo. Seizneix, song cejnuengx vueng lo,

doengzcae roengzrengz gingx caek-haex duzvaiz, hoeng, gingx mbouj doengh.

Caiq gangj gyoengq vunzmbanj dingqnyi lahbah yiengj, couh buet hwnj bya, raen baenz lai vaiz daengx bya buet, couh boux duz boux duz yien vaiz. Daihgaya cingq siengj docih song cejnuengx, hoeng, baenzlawz hix ra mbouj raen songde. Seizneix raen duzvaiz deng gab, daihgaya couh gvaqbae haenqrengz beng gaeu rag din, hoeng, cungj rag mbouj ndaej okdaeu, doeklaeng, hawj duzvaiz raek aen geuzndaeng, gwnz geuz cug cag raezramram, caiq caez haenqrengz baez rag, vaiz in le, din baez cak couh bongh okdaeu lo. Bakgamj sikhaek haep ndaet lo. Aen lahbah ngaenz baek gwnz bakgamj haenx baenqlulu doek roengz namh, sikhaek bienq baenz go miuz iqet ndeu, maj rag dangh gaeu, laebdaeb hai haujai va iq lumj lahbah nei.

Song cejnuengx deng gven youq ndaw gamj caiq hix mbouj ndaej okdaeu lo. Vunzmbanj vih geiqniemh songde, dawz go neix heuhguh valwgbauenq, valahbah, vyienvaiz.

(Ganh Sozywnz/甘说文 biensij)

Daxmeh Raemhraex


唠叨的母亲

贵港市覃塘区蒙公乡高占小学四(2)班 苏婷婷

Daxmeh gou bi neix ndaej 37 bi lo, de maj ndaej mbouj sang mbouj daemq, byoem raezrang ndaemndongq, naengbak mbanmbi’ mbi, bakraeh raixcaix. Hoeng, gou gig gyaiez daxmeh, aenvih de gig gaenx guhhong.

Ngoenz ndeu banngaiz, daxmeh cien duzbya, daxboh fwngz gaem bonj saw ndeu, ndwn youq henz itmienh yawj saw, itmienh guh bangfwngz daxmeh. Daxmeh cien dwk cien dwk, doiq daxboh naeuz: “Aeu ciengqyouz daeuj hawj gou.” Daxboh cij goq yawj saw, mbouj dingqnyi daxmeh gangj vah. Daxmeh youh naeuz mbat ndeu, daxboh dingq mbouj cingcuj, couh cam: “Gijmaz? Mwngz

gangj gijmaz ne?” Baez neix, daxmeh hozndat lo, sing hung hwnjdaeu: “Gou gangj geijlai baez lo, mwngz baenzlawz lij cam?” Daxboh sing’ unq naeuz: “Gou mbouj dwg dingq mbouj cingcuj ma?” Daxmeh laebdaeb raemh naeuz: “Byawz heuh mwngz yawj saw lo, gou mbouj dwg heuh mwngz aeu ciengqyouz daeuj ha?” Daxboh naeuz: “Mwngz noix gangj song coenz ba. Gou sikhaek aeu ciengqyouz daeuj hawj mwngz, mwngz couh gaej raemh lo?” Seizneix, ndaw rek hwnj hoenz lo, raq heiq remj ndeu sanq okdaeu lo. Daxmeh hat naeuz: “Mwngz yawjyawj, duzbya cien remj lo, cuet lo, cuet lo, mbat neix mbouj ndei gwn lo.”



Daxboh sing daemq naeuz: “Byawz heuh mwngz cien bya remj bae?” Byawz rox, coenz vah neix nyex daxmeh engq raemh lo: “Cungj gvaiz mwngz, danghnaeuz mwngz mbouj yawj saw, miz sim bang gou, duzbya baenzlawz ndaej cien remj ne? Mwngz gangj, mwngz boux bangfwngz dwg baenzlawz dang? Duz bya neix baenzlawz gwn! Mwngz gag gwn lo?”

Daxmeh gou couhdwg yienghneix, gou caen maqmuengh de gajj gij bakraeh de bae, gaej raemhraex baenz lai. (指导老师:覃珍团)

Daxgoeng Gou

我的爷爷

环江思恩镇清潭小学 覃宝锐

Daxgoeng gou gaenq roekcib lai bi lo, gwnz gyauej byoem cungj hau lo, fajnaj nyaueqnyatnyat.

Daxgoeng gou gig gvansim gou. Geiq ndaej miz ngoenz ndeu lajbyonghngoenz, gou sawqmwh baenzbingh, youh gyauejin youh ae mbouj dingz, caemhcai q rieg dem.

Cingq youq seizhaenx, daxgoeng gou daj ndaw reih gip mbawsangh ma daengz ranz lo. De raen gou baenz bingh, goq mbouj ndaej swheij dungx iek caeuq naetnaiq, sikhaek aemq gou bae veiswnghsiz yawj bingh. Byaij daengz buenq loh, daxgoeng gou gaenq naiq ndaej hanh lae hanh roenx, gou heuh de dingz roengzdaeu yietnaiq yaep ndeu, hoeng de naeuz gij bingh gou nguh mbouj ndaej, aeu ganjvaiq bae hawj canghyw yawj. Ganj daengz veiswnghsiz seiz, gij buh daxgoeng gaenq deng hanh cimq dumz lo. Canghyw hawj gou yawj bingh hai yw le, daxgoeng aeu raemx daeuj hawj gou gwn yw. Gvaq yaep ndeu, gou roxnyinh ndei haujai lo, daxgoeng youh bae cawx gij doxgaiq gou gyaiez gwn haenx hawj gou gwn……Yawjraen gou dauq cingsaenz le, daxgoeng naj riu lo.

Daxgoeng gou yienghneix gvansim gou, gou itdingh aeu ndeindei hauqswnh de.

(指导老师:覃寒春)

Youq ndaw saedcej seiziq, miz haujai saeh mizyinx, ndawde miz gienh saeh ndeu hawj gou cei nanzlumz.

Geiq ndaej gou haj bi seiz, miz baez ndeu, gou dingqnyi daxboh doiq dahcej naeuz: “Bouxlawz ndawdungx miz raemxmaeg lai, bouxde couh miz cihsiz lai.”

Ngoenz ndeu, caj daxboh mbouj youq ranz, gou couh caegcaeg buet daengz ranz saw daxboh, gaem hwnj bingz raemxmaeg, niuj hai fabingz baez nyuq, raemxmaeg caen haeu ha, aeu linx baez riz, saep raixcaix, baenzlawz ndoet ndaej ha? Gou baez siengj, miz banhfap lo, gou couh gya di dangz haeujbae, vihliux baenz

Saeh Mizyinx Seiz Lwgnyez

儿时有趣的事

贵港市覃塘区蒙公乡凌寺小学五(2)班 覃翠萍

bouxvunz miz cihsiz, ngiengx gyauej dawz bingz raemxmaeg ndoet roengz dungx bae, gou angq dwk naeuz: “Gou baenz bouxvunz miz cihsiz lo.”

Sing hemq yinx daeuj daxmeh, de doeksaet dwk cam gou: “Gwnz bak mwngz dwg gijmaz?” Gou angq dwk lwnh daxmeh: “Dwg raemxmaeg ha.” “Vihmaz ndoet raemxmaeg?” Daxmeh cam, gou dawz saehcingz ginggvaq lwnh daxmeh,

daxmeh riu daej mbouj baenz, riu naeuz: “Lwg huk ha, raemxmaeg baenzlawz gwn ndaej ne? Daxboh gangj ndawdungx raemxmaeg lai dwg gangj miz cihsiz, mwngz roengzrengz hagsib le, ndawdungx raemxmaeg couh lai lo.” Gou dingq le mbouj ei qseiq dwk riu lo.

Sou yawj, gij saeh fatseng youq seiziq geijlai mizyinx ha!

(指导老师:郑振常)